

---

**STICHTING**  
**STELLINGWARVER SCHRIEVERSRONTE**

---

MEULEHOEVE, Bongheer 1, Oosterwolde

---

POSTADRES: Postbusse 138, 8430 AC Oosterwolde

---

TILL. 05160-4533

---

**'T Is Allemaole De Schuld Van**

**De Katte**

**Een Gruweldrama**



**'T IS ALLEMAOLE DE SCHULD VAN DE KATTE  
EEN GRUWELDRAMA**

Dit mitslepende en ontroerende Ridderdrama in 3 bedrijven en daor achteran nog een tragisch naospel, sprekt zo an, dat de speulers mar een peer repetities neudig hebben, en zowat veur de voest weg speulen kunnen. Veur de kostuums kuj' vrij gebruik maeken van de kiste mit oolde kleraosie.

D'r treden in dit drama op:

**DE KONING  
DE KEUNINGINNE  
DE KREERZE EN DAPPERE HERTOG  
DE BEELDSCHONE PREENSES  
DE GEDIENEN , ALIAS DE BEDIENERS D'RVAN**

Tot slot nog de belangriekste opmarking:

Elke speuler zegt ok de tenielanwiezings die bi'j zien tekst staon. Aenlik komt et op die anwiezings an.

**EERSTE BEDRIEF**

DE GEDIENEN: De gediene gaon eupen veur et eerste bedrief.

KEUNING: De keuning komt op.

KEUNINGINNE: Volgd deur zien trouwe keuninginne.

KEUNING: Hi'j gefit him daele op de troon, de scepter in de haand.

KEUNINGINNE: En naost him, in alle minzernied, staot de anvallige keuninginne en zicht vol liefde op him daele. Dan sprekt ze op zaachte toon: "Waoromme hoolden wi'j de preenses toch veer van elk mannelik oge? Zol et niet beter wezen as we heur trouweri'j veurbereiden gongen?"

HERTOG: Van links komt de kreerze en dappere hertog op. Staemerend begint hi'j te spreken. "O, keuning, ik kom jow een bosschop vraogen van onnumelik belang."

PREENSES: Op etzelde ogenblik komt van rechts een wonderbaorlik schoondere preenses op. En as zi'j de kreerze en dappere hertog geweerd wot, vaalt ze haost in katzwiem en roept uut: "Oh, Een manskerel!" Deurdat ze d'r zo blik uutzicht liekt ze nog vule knapper.

HERTOG: Op et mement dat hi'j heur zicht is hi'j op slag verkikkerd op heur.